



A. HELVETIUS.

DE REBUS.

1694







*12 12*  
*27*

MEDICAL SOCIETY  
OF LONDON



ACCESSION NUMBER

PRESS MARK

HELVETIUS, J.A.

41

65429/A

XI



ADRIANI HELVETII,

Medicinæ Doctoris

Parisiensis,

METHODUS  
FEBRES

OMNIS GENERIS

ITA CURANDI,

ut nihil ore assumendum exhibeatur,

è

LINGUA GALLICA,

quâ Galliarum Regi novissimè dicatur,

IN LATINAM

translata.



L I P S I Æ,

Sumptibus J. THOM. FRITSCHII,

Typis CHRISTIANI GOEZI.

---

A. M DC XCIV.

SOCIETY OF LONDON MEDICAL


A. M. D. C. X. V.




# LUDOVICO XIV.

Galliarum & Navarrae  
Regi.

**C**um novum Majestati  
Tuae exhiberem usum, quem  
de Cortice Chinae quibusvis  
in Febris certò de-  
bellandis, absque eò ut ali-  
quid ore assumendum propine-  
tur, detexi; Gratiâ Tuâ ad-




*eo clementer eum comprobâ-  
sti, ut spem oppidò magnam  
conceperim, non minùs pu-  
blico eundem, si ultrò com-  
municarem, gratum fore &  
acceptum. Quidni verò ab  
omnibus Tuis subditis benignè  
pariter exciperetur, ubi co-  
gnoverint, Inveni hujus  
evulgationem ipsius Majesta-  
tis Tuæ paternæ deberi curæ,  
quam Clementia Tua vere Re-  
gia sanitatis eorum gerere an-  
helat? imò eâdem Clementiâ  
summâ, qua Majestas Tua  
agrotantes eos, qui Domûs  
Tuæ servis fortunatò annu-  
merantur, cunctis subsidiis  
necef-*




*necessariis sublevavit curæ-  
que meæ demandavit, mibi  
deinceps, ut meum divulgare  
remedium, quò nemo in Regnò  
Tuò usu ejusdem privaretur,  
imperâsti. Obsequium præsto,  
Domine, non reverentiâ so-  
lùm & submissione omni,  
quâ Regis mei mandatis pa-  
rere decet, sed & gaudiò sin-  
gulari, quod Medicinam au-  
gere ac provehere in commo-  
dum valeam Gallia, Virtuti-  
bus quæ Tuis Heroicis longè  
super regiones alias cunctas  
florete, quæque patria mea est  
vera, postquam Majestati  
Tux in civem me adsciscere*





placuerit. Ast libertatem  
unâ arripio à Tuâ Majestate  
mibi concessam sub Augusti  
Tui Nominis præsidio hoc,  
quicquid est, in lucem edere,  
cùm miram namque ex com-  
municatione Specifici mei an-  
tidysenterici gratiam à Te re-  
portaverim atque licentiam,  
totum per Regnum Laborato-  
ria chymica erigendi, peræ-  
quum omninò est, ut nullus  
posthàc laborum meorum pro-  
deat fructus, qui non jure  
Tibi consecretur, mibi que non  
argumenti locò inserviat, pa-  
lâm gratum æque memorem  
beneficiorum à Te in me col-  
lato-



*latorum declarandi animum,  
ac zelum, quô flagro etatem  
omne id, quod à tenuitate  
meâ proficiscetur; in servi-  
tium Tibi dicandi, qui sum*

**Majestatis Tuæ**

*Subjectissimus ac Devotissimus  
Servus*

**A. Helvetius, D. E. M.**




# METHODUS Febres omnis generis curandi.

**O**Mnium Febrifugorum  
hactenus cognitorum  
Cortex Chinæ Chinæ  
procul dubiò est præ-  
stantissimum.

Nullus habetur Medicus, qui  
dissentiat; neque specialis expe-  
rientia, omni accuratione omni-  
que sedulitate facta, idem edocuit.  
Verum est, quod in modò, quem  
hucusque tenuerunt eum exhi-  
bendi, multa occurrant incommo-  
da; ideoque omnem meam con-  
tuli operam in tali perquirendò,  
qui





qui ab omnibus hisce incommodis sit immunis, cujusque auxilio è dicto remedio admirando, quicquid egregium est, possit acquiri, negligendo quod vitiosum.

Nullus ambigo, quin Medicorum ante me plurimi peruestigationi huic incubuerint. Hinc namque tot discrepantes Chinae Chinae prodierunt preparationes, cum adhibitæ, tum etiamnum à triginta usque vel quadraginta annis quotidie totam per Europam adhiberi solitæ.

Alii corticem laudatum sub formâ Infusi propinant; alii in substantiâ: dantur, qui Tincturam inde eliciunt; nonnulli Syrupum præparant; alii in Extracto præscribunt: unò verbò, in centum eum transmutant formas. Quibus nihilominus cunctis nondum

obtinuere, ut tali eum ratione, quæ  
omni ex parte ægrotis satisfaciât,  
exhiberent.

Certè post usum ejus alter de  
ventriculi dolore gravativò vix fe-  
rendò, alter de pectoris alteratio-  
ne conqueritur: hic extraordina-  
riò inde afficitur calore, ille exsic-  
catur: & tandem observantur  
quotidiè, qui, etiamsi ex febre cor-  
ticis adminiculò convaluerint, ul-  
teriolem tamen ejus usum con-  
sultò respuant; sive quod pathe-  
mata, de quibus queruntur, à cor-  
tice Chinæ Chinæ assumtò, sive  
quod à præscriptò assumendum  
inter proveniant regimine, quip-  
pe quod tantam revera postulat  
circumspectionem, ut tempore u-  
sus, necessariò diutius continuan-  
di, error aliquâ in re committi  
queat facillimus.

Ut

Ut incommodum Chinæ Chinæ notissimum generalemque ægrorum omnium querimoniam omittam; præter speciales hactenus indigitatas querelas, quales sunt, anorexia, nausea &c. amaror imprimis nunquam à remedio hõc ori ingerendò, quâcunque etiam præbeatur ratione, potest auferri, tantò majorem molestiam gignens, quò magis necessitas omnino efflagitat, ut nausea non obstante, quâ ægri à primâ semper dosi afficiuntur, impressio hæc ingrata quotidie aliquoties per sex ad minimum septimanas renoveatur; ne de recidivis dicam, quibus singulis evenientibus usus ejus reiterandus est.

Omnibus itaque circumstantiis ejusmodi odiosis, remedium quæ memoratum solent comitari, pro-

bè trutinatis, modum demùm illud exhibendi detexisse mihi videor aptissimum, effectus inde laudabiles obtinendi molestiasque præcavendi omnes.

Nil aliud verò modus hic involvit, quàm ut Cortex Peruvianus applicetur sub Enemate.

Quem in finem convenit recipere Corticis Chinæ Chinæ optimi ac pulverisati unciam unam, hancque cum aquæ tepidæ Sextariò sive Mensurâ dimidiâ exactè miscere, absque eò, ut aliquid desuper adjiciatur.

In Febribus intermittentibus Enema hoc sub paroxysmi terminum applicari terque quotidie, ad perfectam usque reconvalescentiam, reiterari debet; cui tamen ut diu insistatur, nunquam est necesse, cum rarò unus adhuc paroxysmus,

xyſmus, rariùs duo revertantur, ac ne ſemel quidem tres redeuntẽs obſervaverim.

In ſalubritatem reſtituti ſimiliũ clyſmatum uſum duodecim adhuc dies continuare tenentur, ita quidem, ut ſex diebus prioribus alterum manẽ, alterum veſperi, poſterioribus autem ſex diebus unicum ſolummodò manẽ adhibeant.

Quia omnis verò medelæ huius cardo in eò vertitur, ut Enemata, quantum licet, retineantur diutiſſimè, nihilominus verò reperiuntur, qui diu ea retinere nequeant, horum in gratiam pulveri Chinæ Chinæ unciam dimidiàm Syrupi papaveris albi, retentionem remediũ abſque moleſtiâ facilitantiſ, convenit addere.

In Febribus continuis clyfma-  
è forti Chinæ Chinæ Decocto, a-  
quâ simplici factô, paretur, Chinæ  
Chinæ unciam adhuc unam admi-  
scendô. Quoad Syrupum verò  
papaveris albi, usurpetur prout  
modò indigitatum.

Enema hoc sub exacerbationis  
finem applicari debet; ast si nulla  
exacerbatio adsit, eò detur tempore,  
quò Febris minorem impetum  
facit.

Dum autem in Febribus inter-  
mittentibus ter quotidie adhibe-  
tur, in continuis potius singulis ho-  
ris quaternis id reiterare decet,  
donec æger à febre liberetur.

Qua cessante observandum, ut  
idem clyfma per duodecim adhuc  
dies ratione eâdem, ac superius di-  
ctum, continuetur, i. e. sex dies bis  
quoti-



quotidiè, sexque dies semel tantùm  
de die.

Atque remedium hoc homini-  
bus cujuscunq̃ue conditionis, æta-  
tis atque sexûs convenit, modò  
doseos Chinæ Chinæ differentia,  
notetur.

Quantùm ad infantes lactentes,  
& usque quatuor agant annos, do-  
sis Chinæ Chinæ duarum sit drach-  
marum.

Ab ætate quatuor annorum  
ad decem usq̃ue, ea drachmarum  
sit trium.

A decem usque ad quindecim,  
eadem uncia dimidia sit.

A quindecim ad viginti usq̃ue,  
sex drachmarum sit eadem.

A viginti usque ad sexaginta, do-  
sis integra uncia unius sumatur, et-  
iam in foeminis gravidis; reme-  
dium

dium quippe absque agitatione ulla præternaturali operatur.

Qui nihilominus temperamento nimis debili visceribusque nimis sensibilibus gaudent, dimidiam tantum dosin, i. e. unciam dimidiam, semper recipiant.

Notandum ab iis, qui Enema brevius retinebunt, usum ejus diutius esse continuandum, quò major demùm numerus id efficiat, quod à quòvis in specie præstari non potuit, per consequens Cura-  
tio magis confirmetur; id quod de iis æque intelligendum, qui integram dosin, ac qui dimidiam, recipient.

Observandum pariter in iis, quibus somnolentia aderit febres malignas ordinariò concomitans, à Syrupò papaveris albi abstinendum esse, sed annitendum, ut  
absque



absque hōc Enema diutissimè,  
quantum licebit, retineatur.

E contrariò tenendum, in Fe-  
bribus imbecillitate ventriculi sti-  
patis unciam dimidiam Syrupi pa-  
paveris albi semper clysmati admi-  
scendam esse, omittendam nun-  
quàm.

Tandem annotandum, in mor-  
bis complicatis, v. g. catarrho pe-  
ctoris, raptu humorum ad caput,  
pleuritide, vulnere quolibet, simi-  
libusque, remedium hoc semper  
cum successu exhiberi & nunquam  
in febre profliganda deficere, ta-  
lem successive dispositionem in-  
ducendò, ut reliquum faciliorem  
medelam admittat.

Præter summas abdominis ten-  
siones nullum symptoma febris est,  
quod remedii hujus prohibeat u-  
sum.

Restat

Restat tantum, ut commemorem ægrotos non minus reperiri, qui enema prorsus retinent nilque ejus excernunt, ac qui retinere illud minus valent; atque his vesperi clyisma purgans convenit adhibere, cujus ope evacuentur facillimè. Ideò cavere quoque decet, cum clysmata Chinæ Chinæ haud purgent, nec eum in finem præcipiantur, ne ægri cum nonnullis mirentur ac inquieti ex eò reddantur, quod bilis aliorumque humorum evacuatio, sicut post enemata vulgaria, sequatur nulla.

Ratione diætæ, nihil extraordinarii dictito. Æger nutriatur jusculis, quamdiu Febris affligit; qua cessante, moderatè comedat, nec ventriculum repleat, ea tantum

tum evitando, quæ digestionem vim inferunt.

Locò potus febre præsentē sit ptisana, prolubitu ac palato à quovis paranda. Inter omnes constat, radicem scorzonerae cum cornu cervi in Febribus præferri malignis; radices acetosæ, nymphææ, agrimonie, cicchorii, graminis, &c. refrigerandi ergò usurpari; bis-malvam, liquiritiam, sebesten, jujubas, mel &c. pectori inservire.

Ubi Febris discessit, moderatum vini usum iis haud denego, qui illud expetunt; axiomatum enim Medicorum optimum reputo, ut ægro occasione quacunque, quantum licet, satisfiat.

Si proin ægrorum nonnulli Februm principio Corticem Chinæ Chinæ in enemate æque ac ore assumere renuant, hoc juxta dictum  
axio-

axioma non modò probo, sed & è contrariò peraptum videtur, ut in medela sui periculum priùs venæsectionis ac purgationis faciant, cùm tale quid sæpissimè succedat optimè. Idcirco egregium hic communicabo purgans.

• Ebulliant in librâ dimidiâ aquæ simplicis Tamarindorum uncia una, Foliorum Sennæ drachmæ duæ, Salis polychresti drachmæ duæ, Cassiæ extractæ uncia una, Mannæ uncia una semis, Cinamomi parùm, albumenque ovi unius conquassatum.

Postquam omne septies aut octies invicem ebullierit, succi citri addatur parùm, hinc ubi refrixerit per linteum trajiciatur; assumptò verò medicamento tribus post horis jusculeum superbibatur.

Qui-

Quibus in formulâ hâc aliquid mutare, addere, aut omittere placet, per me erit licitum; interim, modò rationem præscriptam observent, medicinam semper parabunt gratissimam.

Si vomere pariter nonnulli expectant vomitusque reverà indicetur, quemadmodum febres dantur, in quibus is affligit hâcque ratione citra remedium aliud cessat, præparationem quoque omnium optimam ac tutissimam docebo.

Recipiatut Nitri depurati, Antimonii crudi, ana libra una; In subtilem redacta pulverem per cribrum ex carbaso trajiciantur; Imponatur crucibulum carbonibus vivis, ac, ubi incanduerit, pulvis iste cochlearibus parvis injicendo detonetur; materia in fusione per dimidiam relinquatur horam;  
hinc

hinc ignis extinguatur & crucibulum frigefactum pro materiâ vitrificatâ eximendâ frangatur; cui materiæ subtiliter pulverisatæ duplum addatur cremoris tartari pariter pulverisati, exacteque invicem mixta per cribrum ex carbaso trajiciantur; trajectory in quantitatē aquæ bullientis, salī admixto dissolvendo sufficientem, immittantur; tūm aqua ebulliens per chartam bibulam filtretur; evaporata demum ad siccitatem usque sal suggeret omnium emeticorum citra controversiam excellentissimum.

Dosi octo granorum præbetur ad duodecim usque.

Ratio utendi in eò consistit, ut vitrum vini calefiat, parumque hujus in cochlear pulverem continens effundatur, ac deglutiatur;

hinc



hinc parùm rursùs vini in cochlear  
instilletur pariterque deglutiatur,  
ne aliquid pulveris restiret; ac eo-  
dem tempore reliquum vini calidi  
hauriatur.

Ægrum post horæ quadrantem  
unum vel alterum vomitus stimu-  
labit. Statim ac vomuerit, aquæ  
tepidæ magnum ipsi evacuandum  
est vitrum pro omni violentiâ evi-  
tandâ; id quod reiterabit, quous-  
que vomitus ter vel quater conti-  
nuetur. Tribus elapsis horis à  
pulveris assumptione jusculum por-  
rigatur, ac diei residuum tempe-  
ranter transigatur.

Cordialia autem longè à pur-  
gantibus & vomitoriis distant; ete-  
nim non solum approbo, quod in  
Febribus, si placet, usui Chinæ Chi-  
næ præmittantur; sed & ipse ægris  
præcipio, ut, præscripta enemata  
adhi-

adhibendò, in usum simul eadem, vocent, non quod simpliciter ad restitutionem eorum sint necessaria; sed quod mirandam præbeant utilitatem in confortandò, affectibus cordis dissipandis, ac capitis doloribus sedandis.

Potio cordialis, quam in Febribus intermittentibus commendo hauriendam, præparatur ex aquæ Cinamomi uncia una, aquæ borraginis, nucis, melissæ, ana unciis duabus, cōfectionis alkermes drachmis duabus, syrupi limonum vel granatorum uncia una semis, miscendò omnia invicem guttulasque aliquot spiritûs sulphuris ad gratam usque aciditatem addendo.

Quæ potio suavi gaudet sapore, singulis horis quoad cochlear unum vel alterum capienda.

Quorum Febres intermittentes

im-



imbecillitate ventriculi aut vomitu stipantur, in usum iis cedere poterit potio cordialis ex aquæ plantaginis & polygoni ana unciis quatuor, diaphoretici mineralis, cornu cervi præparati ana scrupulis duobus, confectionis de hyacintho drachmis duabus, Diacodii, Syrupi Cydoniorum ana unciâ unâ; quæ invicem mixta æger eodem, ac antea dictum modo, horis singulis poterit capere.

Intuitu Februm continuarum & malignarum, Potio cordialis à me tunc præscribenda, pro sanguine depurandò ac malignitate per blandam eliminandâ transpirationem, componeretur ex aquæ theriacalis unciâ unâ, aquæ scorzonæ, carduibenedicti, scabiosæ, ana unciis duabus, pulveris viperarum scrupulò unò, bezoardici mineralis scrupulis duobus, theriacæ drach-

mà dimidià, confectionis de hyacinthò, alkermes ana drachmà unà, syrupi florum tunicæ uncià unà; omnia invicem, uti antea, miscendò.

Quales potiones cordiales non possunt non optatum edere effectum. Qui in locum pulveris viperarum surrogare volunt sal harum volatile ac bezoar animale, copià rerum suppetente febrisque malignitate urgente, cujuslibet grana decem vel duodecim poterunt adjicere.

Dum medicina itaque pathematis molestis, Febres maximè malignas & periculosas plerumque concomitantibus sic affertur, cortex Chinæ Chinæ in enemate adhibitus fermentum febris unicè destruendo adeò promptè operabitur, ut æger gratâ inde admiratione per-

perculus utilitatem enematum,  
de quibus in præfenti agitur, cuius  
sit deprædicaturus.

Hâc ratione Chinam Chinæ ex-  
hibendi omnia evitâsse videor in-  
commoda, vulgarem hætenus e-  
andem præbendi modum stipan-  
tia.

In propatulò est, nullum am-  
plius ab ægrotantibus percipi a-  
marorem, cum corticem ore haud  
assumant.

Liquet pariter, ventriculum eo-  
rum exin non gravari, quod in ven-  
triculum recipiatur minimè.

Respectu caloris, certum est,  
crassiores Chinæ Chinæ particulas  
unicè hunc excitantes haud diu-  
tiùs in corpore morari, quàm vola-  
tili tantùm ac salutari à calore na-  
turali digerendo requiritur, cum  
fæces residuæ statim excretæ o-

mnes eas haud emetiatur vias,  
 quas cortex ore assumptus percur-  
 rit; adeoque non posse non ma-  
 gnum in corpus ab utili relicto re-  
 tundare commodum, absque eò,  
 ut à particulis ejus gravioribus, in-  
 tricatis, noxiisque calorem conci-  
 tantibus, de quò tantum querela-  
 rum habetur, patiatur unquam.

Ægris tantummodò, quibus sunt  
 hæmorrhoides, dolor aliquis ex  
 enematis applicatione ferendus est;  
 ob irritationem à pulvere transe-  
 undum inter factam. Horum in-  
 gratiam suadeo, ut dosis imminua-  
 tur pulverisque uncia solùm dimi-  
 dia addatur, aut Chinæ Chinæ tan-  
 tum recipiatur decoctum satis for-  
 te, nullum inferens dolorem, vale-  
 tudini æque nihilominus condu-  
 cens; hoc saltem discriminis in-  
 tercedit, quod clyσμα tale pluris  
 veniat,

veniat, quia major Chinæ Chinæ  
requiritur quantitas, eò tamen lu-  
bentiùs id hîc annoto, quò magis  
personis cujuscunq̃ue conditionis,  
decoctum forte ipsi pulveri præfe-  
rentibus, esse possit ex usu; licet  
revera, ni causa majoris obster mo-  
menti, v. g. hæmorrhoides, ipsam  
Chinæ Chinæ substantiam pluris  
faciam: ac pro certò affirmare  
valeo, tribus abhînc annis, quibus  
modum istum Chinam Chinæ ex-  
hibendi detexi, me in substantiâ  
eam in ægrotantibus cujusvis æta-  
tis ac sexus, duo millia excedenti-  
bus, adeò feliciter usurpasse, ut nul-  
lum inde incommodum percepe-  
rint unquam, quocunque etiam  
enematum numerò ingenti essent  
usi, nonnullis quippe copiosiora  
horum adhibenda fuerunt, quàm  
aliis, ob recidivas ex febrium ma-

lignitate ac pervicaciâ extraordinariâ perpeffas.

Nec dubito, quin usus hujus remediî talis posthac deprehendatur, eoque pendatur pluris, quò magis Medicis innotescet; quin asserere audeo, multum apud ægros me initurum esse gratiam, quod viam ipsis ad sanitatem recuperandam aperuerim multò faciliorem, commodiorem ac tutiorem iis, quæ hucusque fuerunt trix; quem enim fugit, infinitos id eò mori ægros, quod corticem Peruvianum ore assumere nequeant? & quemadmodum pariter dantur, qui ab aliorum quoque salutarium medicaminum usu internò naturâ abhorrent, ita ratio hæc sub enemate exhibendi id, quod deglutire recusant, ad usum accommodabitur longè crebriorem, quàm quidem



dem primùm videtur; forſanque olim fatebuntur, nonnihil à me ad medicinæ perfectionem eâ ipſâ fu- iſſe collatum.

Quoad medicamenta antidysen- terica voto jamdum fortuna re- ſpondit; poſtquam multi enim oc- currerent ægroti, quorum teneri- tas prohibebat Specificum meum deglutire, quoniam vomitum præ- vocat, ſub enemate idem optimò præbui ſucceſſu.

Qui exhibendi illud modus pri- mario Regis Medico communica- tus, oppidò approbationem hujus meruit, æque ac ille, quò China pa- riter Chinæ applicatur; inter o- mnes autem conſtat, quanti pon- deris ejusmodi inſit approbationi.

Curam verò integram longè promtiùs hâc ratione perfici

quàm si cortex assumatur ore, ratio est in promptu.

Primum videlicet quantitas ejus multò sic major præbetur, quam quæ in os queat ingeri.

Deinde in substantiâ semper datur, per consequens, majore pollet virtute.

Tùm particulæ ejus subtiles, unice in febris fermentum agentes hujusque ebullitionem sedantes, ad massam sanguineam per vasorum oscula, copiosè in intestinis defixa, feruntur facillimè; prout juscula sub enemate data eadem promptitudine ad sanguinem, ægrorum nutriendorum gratiâ, observantur transire, itemque tabaci clysmata vomitûs movendi ergò particulas subtiles promptissimè circulationis ope ad ventriculum transmittere deprehenduntur.

Et



Et tandem ipsa experientia curam hanc expeditam prorsus tantamque comprobatur; omnium quippe febrium pertinacissimæ, in quibus remedium hoc adhibuit, non nisi binis accessibus resistere valuerunt; quodsi exempla cuiusvis nota desiderantur, ægri ex mandato Regis curæ meæ Versaliis concrediti testimonium perhibeant authenticum omnique exceptione majus, ceu quorum nomina, ideò atque conditiones unacum morbis & symptomatis sequuntur adscripta.

Inspectrix Xenedochii, à charitate denominati, recidivam febris tertianæ duplicis continuæ patiebatur unâ cum Cephalalgia insigni humorumque ad caput rapti tempore exacerbationis.

Hurant unus e militibus extubias Regias agentibus, triginta annos natus, febre decumbebat tertianâ duplici, cephalalgîâ & nephritide exquisitis stipatâ, cujus paroxysmi cum horrore invadentes duodecim ad minimum horas persisterent, sudoreque semper copiosò vires insigniter enervante, terminarentur.

Gueri miles ex Regis custodibus quadragesimum octavum ætatis annum agens, quindecim jam dies à febre tertianâ duplici continuâ corripiebatur, cephalalgîâ summâ concomitante, unacum omnibus translationis humorum ad cerebrum signis.

Varenne unus pariter è militibus, qui excubias Regias agunt, quadraginta quinque annorum, per bidduum feбри laborabat tertianâ duplici,

plici, cum dispnoeâ, inquietudine,  
ac cephalalgîâ.

Cafe miles, itidem in custodiâ  
Regis occupatus inque trigesimò  
quintò ætatis annò constitutus, du-  
odecim jam dies febris tertianâ  
duplici ac catharrò pectoris peri-  
culosissimò languebat.

Langlois quidam à stabulò ma-  
jori annum ætatis agens vigesi-  
mum septimum, febris continuâ  
septimanam jactabatur cum ex-  
acerbatione, nausæâ, vomitu hu-  
morumque ad caput raptu.

Chistal quidam, Domini Abba-  
tis de la Roche Rhedarius, viginti  
annorum, dies quinque tertianâ  
tentabatur febris ac tempore pa-  
roxysmi, duodecim horas affligen-  
tis à continuis vomendi conatibus  
caloreque accerrimò humorum

raptum ad caput minitante, vexabatur.

Jenot quidam, in viridariò de Trianon serviens, viginti sex annos natus, ex febris tertianâ duplici continuâ cum vigiliis & deliriis ægrotabat.

Crespin quidam Ducis Burgundiæ pedisequus, annum ætatis decimum octavum agens, à febre continuâ sex dies prehendebatur cum vomitu periodicò, cardialgiâ & lipothymiâ.

Valerius quidam, Helvetius satellites, triginta quatuor annorum, tertianâ dies viginti affligebatur febris, cujus paroxysmi viginti quatuor horas durarent, vomitu insigni ac cephalalgia vix ferenda insequentibus.

S. Germanus quidam à stabulò majori, trigesimum ætatis agens  
an-

annum, à febrè continuâ cum delirio & inquietudine viginti sex dies torquebatur.

Ægri, quibus remedium hæc in Xenodochiò à charitate dictò per Dominum Regnaltium Pharmacopæum Parisiensem curavi exhibendum, quibusque Vir hic totò morborum cursu ideò adstitit, restituti omnes absque ullâ recidivâ fuerunt usque ad duos, qui recidivam passi denuò debuerunt curari.

Porrò filius Simonis Rhedarij Regii è stabulò minori, sedecim annos natus, feбри tertianâ duplici viginti dies decumbebat.

Cubicularius quidam Domini Cantini feбри tertianâ laborabat.

Lapierre, Cubicularius cujusdam Regio Vestuario Præfecti, febre tertiana duplici septimanas

duas detinebatur: omnesque symptomatis afficiebantur æque periculosis, ac quorum modò mentionem injeci.

Supervacaneum videtur alios hic producere ægrotantes de quibus integrum librum sine negotiò liceret contexere; verum, promulgatione remedii à Rege factâ, adeò multi jamdum occurrunt, qui sua sponte hâc ratione restituti verba pro me faciunt, ut pluribus allegandis exemplis meritò supersedeam.

Ex hætenùs tamen dictis colligendum minimè, quod ope Inventi mei aliquem immortalem reddere præsumam; Nullum verò dubium, quin multa sic pathemata præcaveantur, febres diuturnas insequi aliàs solita, itemque abusus venæsectionis, non solùm morbum



bum protrahentis , sed & ægros multos interficientis , observetur facillimè.

Non quod sanguinem semel, bis, imò ter in plethoricis mitti, aut venam etiam pedis secari, quando humorum raptus ad caput metuitur, præfractè ac sine ratione repugnem, hisce quippe venæsectionibus non minùs contradico, ac remediis aliis, quæ à Medicis deprehenduntur indicata: Sed quod odiosum sanguinis missionis numerum, vires ægrorum omnes exhaurientem & non nisi ex consuetudine ordinatum, ferre nequeam, in feбри cum primis triduum intra vel quatrimum ad summum absque ullius sanguinis guttulæ jacturâ curandâ.

Cæterum vellem inventum hunc Chinam Chinæ exhibendi  
mo-

modum ab omnibus, prout omnibus proderit, excipi benignè, atque satis præmiorum tulisse videbor ab operâ diutissimè ideò insuntâ studiòque assiduo triennium ejusdem examini propterea dicatò, ut emolumentorum primum perspectorem certior factus fructum hunc laborum meorum communicarem, susque deque habendò invidiam nonnullorum, qui maculam artî inurendò Medici salutari haud merentur. At sicut à beneficiâ nunquam abstinentum propter imbecillam eorum invidiam, qui non nisi facta propria solent approbare, ita nec ego desistam omnem reliquam ætatem iis pervestigandis latè impendere, quæ hominum sanitati conservandæ vel recuperandæ conducere queunt. Infallibile interim

terim remedium nunc propo-  
situm adeò certò polliceri licet, ut  
non verear asserere, nunquam id  
in febribus, cum continuis, tum in-  
termittentibus, modò methodus  
mea exactè observetur, esse fru-  
straturum.

Unicus tantùm excipitur casus,  
in quò China Chinæ hâc ratione  
exhibita feбри extinguendæ depre-  
henditur impar; nempe quando  
abscessus ullibi in corpore habe-  
tur. Quamobrem tunc ut pessi-  
mum signum semper attenden-  
dum, ne febris sistatur. Præter  
hunc quippe casum successus pro  
certò ac compertò asseveratur.

Calamum hic seponere nihilque  
ampliùs addere erat animus, cum  
intelligerẽ, quam modò comme-  
moravi invidiam, quamque sim-  
pliciter in eò terminaturam esse,

reſ u-

reputabam, ut enematis Chinæ  
 Chinæ denegarent approbatio-  
 nem minus necessariam, adeò mo-  
 dum nunc excedere, ut observatio-  
 nes falsas narrandò remedium hoc  
 penitus subvertere nulli vereantur,  
 haud contenti fructum mihi eri-  
 pere, quod aliquid boni detexerim,  
 nisi & publicum utilitate ex inven-  
 tione meò colligendâ defraudarent;  
 passim namque, ubi aures præben-  
 tur, à Chinæ Chinæ clysteribus in  
 nonnullis ulcera, in aliis intesti-  
 norum abscessus, in aliis fistulas, in  
 gravidis abortum, sexcentaque pa-  
 themata similia excitari dissemi-  
 nant.

Quam insulsam calumniâ ratio-  
 nibus quidē omni exceptione ma-  
 joribus in proclivi esset retundere;  
 etenim si verum, quod e. g. China  
 Chinæ in substantiâ deglutita non  
 nisi

nisi symptomata superiùs recensita inferat, quomodo sub enemate adhibita tot accidentium horrendorum erit autor, cum in nullâ tunc corporis parte tenerâ moras necstat, quas ore assumpta facere tenetur.

Nec ullum Medicorum fugit, emeticum aliquod ore sumtum potentissimum esse remedium, ejusdemque nihilominus dosin triplam sub enemate adhibitam mediocriter saltem operari; unde satis elucescit, remedium aliquod sub enemate applicatum violentiam longè minorem, quàm in os ingestum, exerere.

Etiam si porrò China Chinæ in omnes particulas, è quibus constat, resolvatur, nunquam tamen tales prodibunt, quæ intestina valeant lædere.

Ast

Ast Calumniatores ejusmodi ab ignorantia inflatos armis magis palpandis ideoque robustioribus impugnabo, quam rationibus: in medium nempe proferam observationes, exempla, & experientias tum infantium, tum foeminarum gravidarum; si veritate namque nititur, quod ab istiusmodi enematis acerba possint patrari pathemata, sine dubio in teneris ac debilibus id fieret infantibus; si abortus pariter provocaretur, de hoc gravidis, in usum quæ ea vocarunt, deberet constare; nemoque earum personarum mox nominandarum auxiliò enematum laudatorum integram valetudinem, prout nihilominus factum, recuperasset.

Domina de Castello, Domini Mareschalli Bellefontii filia minor,



nor, octodecim menses nata, à febre clysmatum duodecim operata, evasit salva.

Infantium Domini Marchionis de Saint Germain Beauprè alter octennis à febre tertianâ duplici & malignâ cum convulsionibus exagitatus, alter duodecennis febris tertianâ duplici laborans, cujus paroxysmi horas octodecim affligerent, ab usu enematum triginta, quinque perfectè convaluit uterque.

Filium Domini Marchionis Novionensis trimulum, febris tertianæ duplicis paroxysmò quindecim horas oppressum, clysmata, paucos intra dies restituerunt.

Filius Domini Nicolai Præsidis primarii viginti menses natus, cum febris continuâ langueret atrocem, que ob colicam dies noctesque, ejus-

ejularet, eâdem ratione propedi-  
em convaluit.

Filius Domini Marchionis La-  
vernii anniculus, ex febris tertianâ  
duplici vehementissimâ cum do-  
loribus abdominis continuis & al-  
vi dejectionibus frequentibus de-  
cumbens, medelam in duodecim  
clysteribus invenit.

Filia Domini de Beloy Condu-  
ctoris generalis mensem agens de-  
cimum octavum, ab innumeris fe-  
bris tertianæ duplicis insultibus ul-  
timas in angustias conjecta, post  
viginti circiter clysmata adhibita  
emerfit optimè.

Filius semestris Domini Coipel,  
Pictoris ordinarii Ducis Aure-  
lianensis, febris tertianâ cum pe-  
ctoris catharrò infirmus, ex ene-  
matis viginti vegetam recupera-  
vit sanitatem.

Filia

Filia trimula Domini Beinval, Hipparchi Comitis Alvernis, mensem jamdum febre tertianâ duplici laborans, cujus paroxysmi persisterent diutissimè, valida post decem vel duodecim clysmata surrexit.

Filius octennis Dominae de Gassien, Domini de Gassien Parlamento à consiliis viduæ, ex febre continuâ cum exacerbationibus, nec non colicâ ac ventriculi imbecillitate, post enemata octodecim adhibita convaluit.

Filius septennem Domini de Logni in plateâ gypsariâ à febre malignâ, singulis sex horis vehementer ingravescente, clysmata quinquaginta prorsus liberârunt.

Filia quinquennis Domini de Lamet, Regi à secretis, ex febre tertianâ duplici, cujus insultus octodecim

decim horas durarent, ope clysmatum viginti duorum salva evasit.

Filium trimulum Domini Colar, Secretarii Regii, feбри continuâ octo levârunt enemata.

Filium Domini Bertrantii, Regi à secretis, dysenteriâ non minùs ac feбри continuâ laborantem, primum à dysenteriâ Specificum meum, hinc à febre sedecim enemata vindicârunt. Circa quem attendendum, si quæ impressio à clysmatis his fieri posset, eam haud dubiè in notatâ pathematum complicatione apparuisse; neminem quippe latet, intestina à dysenteriâ admodùm deprehendi debilitata & perquàm apta impressioni cuivis perversæ recipiendæ, intestina videlicet ipsorum adulatorum robustissi-

bustissimorum, tantoque magis intestina infantium tenella.

Filium trimulum Domini Audiger, rationibus cognoscendis Præfecti, agnatum Domini Hermantii Medici, morti jam proximum ejusmodi clysmata servârunt, quamvis secus sentiret repugnaretque Dominus ejus consanguineus.

Filia septennis Domini Huglas in plateâ Burdegalensium, animam jamdum plures dies ex febre continuâ cum catarrhò pectoris agens, solò hòc remediò restituta fuit, triginta circiter enematis adhibitis.

Filio octenni Domini Michalet Bibliopolæ, ex febre tertianâ duplici, cujus paroxysmi vehementissimè ac diutissimè affligerent, sex  
C septi-

septimanas decumbenti, clysmata  
octodecim fuerunt saluti.

Filium quadrimulum Domini  
Malet mercatoris in montis mar-  
tyrum plateâ, plures jamdum dies  
ex febre continuâ moribundum,  
sedecim juvârunt enemata.

Filia quinquennis Priou cujus-  
dam Rhedarii defuncti Domini  
Voisin Consiliarii Status, febrem  
malignam cum humorum raptu  
ad caput catarrhòque pectoris pas-  
sa, relicta & moribunda, cum voca-  
rer, ab usu quadraginta enematum  
omninò convaluit.

Gravidas quod attinet, Domi-  
na Comitissâ Flamanvillana sex  
menses gravida febreque ter-  
tianâ duplici continuâ correpta,  
postquam Chinam Chinæ omni  
præparatam ratione assumsisset o-  
re, Febris nihilominus quotidie  
ingra-



ingravesceret omnemque ægra-  
spem abjiceret, me demum suaso-  
re clysmata Chinæ Chinæ eò suc-  
cessu adhibuit, ut in vitam revoca-  
ta foetum terminò absolutò enite-  
retur felicissimè.

In consilium duobus circiter  
abhinc mensibus à Domino des  
Forges Obstetricatore celebri unà  
advocatus, ut Dominæ de Belle-  
cour, Domini de Bellecour Quæ-  
storis uxori, temperamento mol-  
lissimo gaudenti sexque septima-  
nas febris tertianâ, primùm simpli-  
ci, hinc duplici, laboranti ferrem  
auxilium, cùm multum Chinæ  
Chinæ deglutitum inducias qui-  
dem fecisset, febrim tamen om-  
nem haud expugnâisset. Exposui  
Domino des Forges blandam ene-  
matum Chinæ Chinæ operatio-  
nem; consentiit: ac foemina eo-

rum adminiculo in sanitatem restituta.

Quæ testimonia abundè iis satisfacere poterunt, quorū de clysmatis Chinæ Chinæ edoceri interest. Terminum reperirem nuspiam, ubi curas singulas à me factas occiperem enarrare, Lectorisque patientiâ omninò abuterer. Numerum tantum hunc exiguum adduxi, fraudibus iis detegendis visum, pernecessarium, quas in somniis egregiis verbisque viro quòvis bono indignis publico nituntur facere.

Personæ quæcunq; à me allegatæ omnibus notescunt: quilibet sciscitari eas poterit sine negotiò, ac de præstantia & innocentia remedii adeò utilis omninò constabit, ut obtrectatores proin iniquitatis propriæ, qua veritatem  
homi-

hominum salutem adeò proficuum  
supprimere gestiunt, meritò pu-  
deat sit necesse.

Si Medici dantur hòc in passu  
satis improbi, fatendum ingentem  
quoque eorum numerum Parisiis  
haberi, qui pro me loquantur, qui  
in honorem mei clysmata ejusmo-  
di approbent, qui eadem suis præ-  
scribant ægrotantibus, quique suc-  
cessum eorum prosperissimum ex-  
periantur.

Si nonnullis forsàn adhibita mē-  
nus satisfecerunt, contigit id sine  
dubiò, quod modum meum iis-  
dem utendi vel ignorârint, vel ob-  
servârint minimè. Ast valdè du-  
bitò, ab aliquò Medicorum, vel  
quocunque aliò, ullum ægrotum  
methodò hâc per triennium à me  
tractatorum posse sisti, qui fistulam  
aliave pathemata, quorum reme-

dium in simulatur, contraxerit. Minus est negotii dente maledicō carpere falsasque historias supponere, hoc tamen ut credatur haud sufficit, sed asserta demonstrationibus oportet roborentur.

Nemo nescit enemata hic proposita ægrotis quamplurimis, animam jam agentibus, exhibita fuisse. Multi ægrorum horum incolumes evaserunt; nonnulli obierunt, neutiquam ob perversam remedii istius operationem; sed quod naturæ debitum nobis solvendum sit omnisque opera ludatur, quando de vitâ migrare jubemur à Deo.

Superiùs jamdum innui, neutiquam mihi propositum esse immortalem aliquem hâc methodò reddere. Quia obstringo neminem, ut eâ utatur; rationem tantum

tum officii eandem divulgando  
persolvo, usum concedens, quibus-  
cunque hic videbitur commodus.  
Quod si curationes, quarum in gra-  
tiam methodus ista adhibetur, mi-  
nus promptè succederent ac multò  
plus negotii requireretur, ut voca-  
retur in usum, minus propterea  
traduci meretur.

Interim ubi nonnulli Chinam  
Chinæ sub clysmate pariter usurpa-  
re atque in os ingerere prorsus re-  
nuunt, hisce consilium meum pe-  
tentibus remedia alia æque certa  
& æque tuta exhibebo.

Pauperes quod concernit me in-  
visuros, omnes quotidie totum per  
annum benignè excipientur, æsta-  
te videlicet ab horà quintà matu-  
tinâ & dimidiâ usque ad sextam  
& dimidiam, & hyeme ab hora se-  
ptima matutina ad octavam usq̃;

auscultabo eos, attenteque examinatis remedia gratis præbebo, non febribus solum & dysenteria, sed & morbo ad unum omni appropriata; id quod notandum fuit, nec certorum pathematum pudor deterreat quenquam impediaturque medicationem eorum apud me quaerendi.

**M**ethodus hæc jam typis erat descripta, cum Dominus de Roudiere, ex meritis non minus quam Theriaca compositione omnium elegantissimâ famigerabilis, literas mihi traderet à Doctissimo Domino Fouet ad se exaratas, quarum summam hic exhibendam suaserunt amici, quod testimonium publicum perhiberet tantò præstantius, quò celebrioris esset. Viri minimeq; à me emendatum. En extractam eam de verbo ad verbum.

Sum-



Summa literarum

a

DOMINO FOUET,  
Consiliario Medico Regis & Aquis  
Vicensibus Præfecto,

ad

DN. de ROUVIERE,  
Pharmacopœum Regis  
datarum.

Vici d. 30. Novemb. 1693.

**Q**uando obviam habes Dominum  
Helvetium, meo ipsi nomine gra-  
tias persolve, quod februm medelam  
ope China China sub enematis perfici-  
endam invenerit, nunquam enim ea  
me fefellit, & priusquam revertan-  
tur, reitero, aut ad minimum reite-  
randa jubeo clysmata optimò cum  
successu. Posterì multum debebunt  
Domino Helvetio. Cura ultima suc-  
cessit in fœminâ septuagesimum se-

C 5

cundum

eundem ætatis annum agente, quam  
febris quartana duplex siti inextin-  
guibili, vigiliis, anorexiâ viriumque  
maximâ debilitate stipata corripere,  
Et feбри quidem continuâ sex septi-  
manarum prægressâ : unò verbò,  
medela hac toti pariter familiæ at-  
que agrotæ ipsi locò incantamenti  
fuit. Quodsi scriptum aliquod de  
eâ in lucem edat, ut mihi compa-  
res, quanticumq; constet,  
rogito.

Ne pagellæ vacuæ relinquantur,  
propter materiæ affini-  
tatem

MURALTI

OBSERVATIONEM,

tantò magis commodum fuit vi-  
sum addere, quod internum Corticis  
Chinæ Chinæ usum  
declaret.

**N**obilis Domina matrona.  
à Montespín ætatis suæ A.  
72. cum sub finem Augusti  
duplici tertiana afficeretur, jamq;  
multos Paroxysmos passa esset sine  
ullo solatio ex remediis methodi-  
cè institutis, à Medico ordinario  
Domino Redi, doctissimo viro mi-  
hiq; amico, quin imò symptoma-  
ta ingravescerent, exhauriebantur  
enim vires, Lingua erat nigricans,  
febris ardebat summâque inquietu-

tudine afficiebatur Patiens, in hoc statu quorsum nos verteremus nescientes, inito unâ consilio ad Pulverem corticis Peruviani confugimus, ipsique ꝑ. prædicti pulveris cum conserv. cynorrhod. quo tempore remittebat febris, exhibuimus, mirum quantum Levaminis exinde habuerit, ceu enim hoste in ipsis faucibus jugulato, Paroxysmus cohibitus est, deferbuerunt humores, intermissoque uno aut altero die eccoproticum exhibuimus ad reliquias morbi exterminandas, iterumque oggesto bolo uti prius, febris penitus exulavit, viresque & sanitatem recuperavit.

Filia Domini Saigneux 8. annorum circa medium Septembris multis jam divexata Paroxysmis à variis remediis nihil profecerat, ipsius autem parens propter insignem

gnem amorem, quo ipsam ample-  
ctebatur, moestus à me consilium  
expostulabat, ipsi gran. XV. hujus  
Pulveris in jusculo exhibui, Paro-  
xyismi subsequuturi exinde inhibiti  
sunt viresque & appetitum resu-  
mebat, verum post intermissione[m]  
20. circiter dierum iterum recru-  
duit febris, pro reditu autem de  
novo oggesto pulvere penitus cir-  
cumcisa est febris, nec amplius re-  
diit. Franciscus Bernard, factor,  
temperamenti melancholici, sub  
finem Augusti duplici tertianâ  
correptus fuit cum magnis sudori-  
bus, appetitu dejecto, phlebotomia  
celebrata est institutaq; Purgatio,  
cum autem post 15. circiter dies  
nullatenus curâ methodicè institu-  
ta febris imminueretur, suspicioq;  
adesset, ne in longum protrahere-  
tur propter tertianam febrem tunc

temporis epidemicè grassantem, qui enim affectus simplices & sporadici contingunt in cœlo noxio, facilè Labem sparsam sibi asciscunt, bolos devorandos ex 3ß cum s. q. rob. Juniperi exhibui tempore intermissionis, ex quo in totum remisit febris: Verùm post mensem circiter recrudescente purgatio iterum instituta est, boli-que iterum oggesti, ex quo febris in totum ablegata est.

Sub eodem tempore mulier 55. circiter annorum febre quartanâ correpta est, ipsi dosin nostrarum Pilularum per 15. dies exhibuimus quibus epicrasticè repurgata, bolos ipsi dedimus ex pulvere Peruviano cum conserv. Juniper. per quatuor vices, febrisque exinde liberationem assecuta est. In immensum excresceret volumen, si quas  
curas



curas hocce pulvere nostrâ experientiâ alienaque factas describere fatagerem, ipsius enim Pulveris vis & energia in debellandis febribus jam agyrtis ipsisque mulierculis innotuit. Verùm tamen etiam si insignis efficacia se prodat in febres componendas, dantur tamen quædam febres quæ ipsius vires eludant; sed jam properemus ad Scholium in quo ipsius pulveris naturam examinabimus.

## SCHOLIUM.

**C**Um in omnibus febribus ferè, sed maximè intermittentibus pleonexiæ cacochymiæque signa vulgariter se prodant, nullatenus dubitandum, Phlebotomiam tum & Catharsin in ipsarum curatione suas vires præ cæteris imprimis exercere, quin imò vix absque istis, faustis auspiciis alia remedia tentari solent;

lent; Enim verò febrilis calor, ardores,  
dolores capitis, anxietates, jactationes,  
deliria, anhelositas; sitis, aliaque acci-  
dentia nullâ ratione certius mitescunt  
quàm sanguinis missione, quæ nimirum  
vias referat, fluiditatem humoribus im-  
pertit corpusque *εὐπόον* facit. Nec mi-  
nùs evidenter caco-chymia signa se pro-  
dunt, enimverò oris amaror, pondus su-  
pra ventriculi regionem, nausea, vom-  
itus, appetitus dejectus, anorexia, infla-  
tiones, ructus, crepitusque aliaque non  
pauca tam certò illud arguunt, ut non  
sine veritatis specimine febrium inter-  
mittentium causam circa præcordia sta-  
bulari multi non infimæ notæ affirma-  
verint. . Itaque quamvis huicce senten-  
tiæ in totum non adstipulemur, credam  
usque febrium mineram quandoque  
altius & intra vasa nidulari, nihilomi-  
nus tamen nec auspicatò magis nec cer-  
tiùs quàm istis duobus generalibus præ-  
sidiis ipsarum medelam suscipi confi-  
denter asserimus, naturam enim ab in-  
fartiti-

farctibus expediunt, humores extraneos elutriant, tamque efficaciter quandoque munera sua præstant, ut sine aliorum auxilio febres abigant radicitusque extirpent, itaque ab iis recto ratiocinii jure experienciâque duce febrium intermittentium imprimis curationem auspicandam censemus, si enim iis eam in totum assequi non liceat, saltem per eam submoventur impedimenta, viæ referabuntur, ut alia remedia adhibenda in posternum opportuniùs vires explicent, efficaciusque suum opus peragant.

Ista itaque duo præsidia huicce cortici Peruviano necessariò præmittenda, proque cujusvis Patientis temperie, ætate, sexu, tempestate, viriumque modulo ordinari debent.

Sub Catharsis nomine audiant vomitoria quæ si nihil contraindicat, imprimis vires suas quandoque exerunt, foris siquidem concussu humores è longinquo trahunt, ad evacuationem disponunt

nunt viis referatis apertisque vasorum  
in stomacho, partis usque vicinis de-  
hiscentium orificiis, ut exinde bilis è  
massâ sanguineâ plenius elutriatur, ad-  
eoque sanguis à recrementis salis &  
sulphuris adusti depuretur, aliæque for-  
des & recrementa foràs deturbentur.

Solemus itaque præmissâ Phleboto-  
miâ, si nihil aliud dehortetur, infusio-  
nem Senn. propinare cum gran. aliquot  
cryst. tartar. emet. vel Vini emet. 3j.

Interim Patiens aperta devitabit aci-  
da, ut & quæ ad aciditatem vergunt, aut  
quæ faciliè corrumpuntur, uti sunt lacti-  
cinia, legumina, fructus, salsa, piperata,  
uno verbo quæcunque obstructions pa-  
riunt, uti & quæ materiam fermenti ad-  
augent. Hisce præmissis sedulò caven-  
dum ne quid contraindicet usum cor-  
ticis Peruviani aut ipsi adversetur, adeò  
prius sedentur primi febris fervores  
quàm ipsum oggeras, tunc enim mo-  
tibus contrariis inductis diræ metasta-  
ses contingunt; nec pituitosæ sordes in

ventriculo stabulantes corticis particulas oblinent aut quasi visco implicent, ea quippe de causa plurimum obtunditur & impeditur; & quandoque gravissimæ & insuperabiles in ventriculo massæ efformantur, quæ eundem exprimentes febricitantibus vitam eripiunt.

Corpore itaque debite vacuato, quidam Paroxyismi præterlabi sinantur, nùm scil. evanuerit remiseritque febris, sin minus, ad usum corticis Peruvianæ agrum deducere conveniens erit, antequam autem de ipsius usu exhibendique modo dicamus, ipsius imprimis naturam, vires, variasque præparationes breviter perstringere expedit.

A quadraginta circiter annis ex India ad Europam hocce remedium transvolavit, nihil aliud est quàm cortex cujusdam arboris in Peru nascentis ab Indis Kiù Kina dictæ, ab Hispanis verò Palo de Calenturas quasi Lignum februum, ipsius enim vires jam ipsis innotuerant,

rant, & nonnisi ab illis apud nos ipsius  
usus increbuit.

Hicce autem cortex ad gustum est  
styptico-amarus, quod arguit ipsum sale  
& terrâ abundè saturari, enim verò si  
analyfi subjiciatur, spiritus, olei, & aquæ  
parvam quantitatem præbet, salis verò  
& terræ multum.

Datur autem aut in formâ solidâ aut  
in liquidâ. In formâ solidâ aut in bolo  
aut in extracto.

In bolo datur, miscendo ipsius pul-  
verem tenuissimè tritum cum extracto  
Juniper. aut cum quodam syrupo aut  
conserv. v. gr. conserv. Caryophyllor.  
rubror. vel flor. calendulæ: ad extra-  
ctum prius elici debet tinctura cum spi-  
ritu Vini simplici aut composito, quæ  
ad consistentiam mellis reducatur.

Si in formâ liquidâ, vel tincturam vel  
infusionem parabis. Eadem tinctura,  
quæ elicetur extractum, in quodam li-  
quore convenienti propinabitur, prout  
autem magis vel minus valida exopta-  
bitur,



bitur, plus vel minus spiritus vini per destillationem prolicies.

Si in infusione, vel cum vino vel alio quodam Liquore, frigidè aut calidè, vel solus vel cum additamento infundetur; *exemp. grat.*

R. Cortic. Peruvian. subtiliter pulveriz.  $\mathfrak{z}\text{ij}\beta$ . flor. centaur. minor.  $\text{m}\mathfrak{s}$  sal. armoniac. vel ipsius vice Ligni Sassafras, vel granorum Juniperi  $\mathfrak{z}\text{ij}$ . infunde per viginti quatuor horas in lib. viij. Vin. alb. vel rubell. supra cineres calentes in vase bene obturato, Colatura servetur ad usum.

Tempore vindemiarum fieri potest infusio in doliolo musto adimpleto, cujus quantitati respondeat pulveris Quinquin dosis supra dicta, ita ut pro lib. ij. sint pulveris  $\mathfrak{z}\text{ijj}$ , aut  $\mathfrak{z}\beta$ . & dolium reponatur in cellâ vinariâ ad fermentationem, quâ peractâ, quod per fermentationem deperditum, vino suppleatur, & diligenter obturato dolio, vinum servetur ad usum: Infusio autem fiet simplex vel com-

composita addendo nimirum centaur.  
min. sal. armon. Lignum Sassafras vel  
gran. Juniper. servata autem eadem do-  
si respectu liquoris quâ prius.

In gratiam frigidiorum regionum,  
quibus deest vinum, infusio potest fieri  
cum cerevisia adaugendo dosin Quin-  
kin tertiæ patris uti & aliorum ingre-  
dientium. Aliæ infusiones parari pos-  
sunt cum aquis stillatitiis febrifugis v. g.  
℞. Pulver. Cortic. Peruvian. ℥j. β. flor.  
centaur. minor. P. ij. aq. fœnicul. ℥ij.  
vel ipsius vice aq. Petrosel. vel aq. cen-  
taur. minor. omnia in vase circulatorio  
benè obturato infundantur per vi-  
ginti quatuor horas lento igne in bal-  
neo arenæ ejusmodi infusio fortior erit  
& acuetur cochlear. i. spiritus vini aut  
tinctur. ipsius Quinkin. Poterit etiam  
infusio fieri in ptisanis ordinariis, aut  
aquâ simplici, sed tunc adaugeatur dosis  
ipsius corticis, uti & aliorum ingredien-  
tium, fiatque in vasis probè obturatis, &  
diutius. Essentiæ rerum nos latent,  
ita-

itaque non possumus integram notiti-  
am istius corticis nobis comparare, quia  
tamen magni interest ipsius vires, in-  
quantum nobis conceditur, dignosce-  
re, nulla ratione magis illud assequi da-  
bitur, quàm si febris quam cohibet aut  
in totum profligat, naturam examine-  
mus, contraria siquidem opposita elu-  
cescunt magis facemque sibi invicem  
succendunt.

Febris nihil aliud est, quàm motus  
præter naturam in humoribus excitatus,  
qui quidem effervescentiæ seu ebul-  
litionis ideâ clarè innotescit, jur-  
gia autem à febre excitata, tam clarè  
miscelam extraneam de novo inductam,  
quà humores ceu æstro perciti efferve-  
scunt, arguunt, quàm tranquillitas mala-  
ciaque antecedens partium sanguinis ad  
invicem unionem & connubium indi-  
cabant, vel quàm certò ipsa deferve-  
scentia humoris peregrini secretionem  
subsequi soleat.

Quam

Quam autem in retentis ametriam  
 pari jure evincunt ratio & sensus, non  
 eadem tamen certitudine ipsorum natu-  
 ram, indolem, locumque in quo conge-  
 rantur, assequuntur. In hoc itaque  
 dubio quidam portionem chyli in ru-  
 gis ventriculi aut Pylori ad acorem de-  
 ductam supponentes, exinde succos,  
 quotidie adventantes eadem *ζυμώσις*  
 inspirari crediderunt, qui demum ad  
 sanguinem delati ipsum laborem, qua inqui-  
 nantur, inficiunt, sensimque ad turge-  
 scentiam, succrescentes seditiones mo-  
 vent effervescentiasque exeitant; fru-  
 ctus horarii aliaque incongrua come-  
 sta illud innuere videntur, uti & inglu-  
 vies & quæ demum quandoque perso-  
 nat inedia, qua febrilis fomes præscin-  
 ditur.

Qui omnes penè morbosos affectus ab  
 alvina regione deducunt, non sine ma-  
 gnâ ratione sibi ipsis videntur causas  
 febrium in hisce locis sedem suam ha-  
 bere, illicque affectus febrilis mineram

con-

congeri, enimverò hæc est sentina, in quam secreta totius corporis faeces delegantur, ideò & illic sæpius quàm alibi penus morbificos aggeri, verosimile est: Mesenterium enim, venæ lacteæ, mesaraicæ, pancreas aliæque partes quæ præcordia circumstant, ceu angiportus in urbibus, multas emphraxes asciscunt, quæ stagnatione per partes putrescentes, tum sanguini jugiter transeunti, tum aliis succis effervescentiam febrilem concitant, donec materiâ heterogeneâ explosâ pax & tranquillitas contingant, quæ tam diu durant, donec nova materiæ morbificæ portio vasa subingressa novas tragœdias excitat, quæ & suas periodos habeant, donec planè exhausto morbi fomite, symptomata emergentia evanescant; rationibus attexunt experientiam, quâ comperitur cathartica, imprimis aut fluxus ventris spontè obortos istas febres percurare quasi foco febrili expurgato succensi exinde igniculi extinguerentur. Alii demum quod non

animadvertant promptuaria in quibus  
 penus morbificus hospitetur in primâ  
 regione, nec constet naturam tales focos  
 sibi cudisse in quos exportentur tales fe-  
 brium mineræ, quinimò sæpius sabur-  
 ram in alvina regione congeri, exinde,  
 tamen nullas febres progigni, ab omni  
 culpâ partes abdominis vindicantes o-  
 mnes tragœdiæ febrilis actus in alveum  
 sanguinem reponunt, illosque excitari  
 credunt vel à quadam materia heteroge-  
 neâ, quæ alicubi stagnatione in fermentum  
 exaltata, fermentescentes expira-  
 tiones in sanguinem dimittat, vel ipsos  
 humores à crasi degeneres sub cuiusdam  
 materiæ heterogenæ naturâ divortia,  
 in humoribus excitare, effervescentias-  
 que proritari, sed quamvis diversos fo-  
 cos instituant dissentireque videantur,  
 rem tamen planè eodem modo confi-  
 ciunt, in utraq; nimirum sententia sup-  
 ponunt penum morbificum non nisi cer-  
 to quodam tempore fermenti naturam  
 induere, ideoque etiam non nisi per par-  
 tes



tes statisque Periodis expirationes suas  
 prodere, quæ sanguini istas partes labe-  
 factas perluenti immissæ, humores fer-  
 mentant, tanquam quid heterogeneousum  
 & aura peregrina, quæ tum primum ceu  
 nubes agglomerata aut vapor densus &  
 crudior spiritus obtundens frigus in-  
 duit, horrores, pulsus tenorem immu-  
 tat, pandiculationes, oscitationes alia-  
 que accidentia, quæ sanguinis circuitus  
 moram à materia condensante conse-  
 quuntur, idem autem vapor eventilatus  
 variisque subactionibus subactus æstum  
 progignit, sicque attenuato humore  
 demum secernitur, apyrexiaque conse-  
 quitur. Cùm itaque à variis focus sup-  
 positis non variæ exin superstruantur  
 ætiologiæ, facile credimus nidos mor-  
 bificos non solum in diversâ regione,  
 sed & in variis ejusdem regionis locis  
 congeri, quæ eosdem effectus sympto-  
 mataque prodant. Sed multò major  
 difficultas occurrit in ipsius fermenti  
 naturâ examinandâ, ipsamque exactè  
 D 2 & qua-

& qualitates dignoscere supra mentem humanam censemus, quibus primum sanguinem febricitantium analysi chymica proliciendi in mentem venit non absonas suis experimentis de acidī prædominio rationes subministrarunt; Enim verò si talis sanguis igne urgeatur multo minorem salis volatilis quantitatem, quàm assolet, in sanis, præbet, ut exinde non incongruè concludatur, acidum exaltari, quod contingit à parte volatili subjugatâ, vel exhalata, uti assolet in aceti conficiendi ratione.

Acidum fermentandi vim habere, nihil magis notum, quin imò & coagulationes parit, partes quas adoritur subjugat, demumque in suam naturam convertit; itaque cuius concipere obivium est acida extranea, quoquo modo progignentur, vel aliunde immissa vel in propriis conceptaculis intra corpus nostrum pronata, in producendis morbosis affectibus vim & energiam insignem habere, supponatur itaque portionem

tionem quandam chyli tum in ventriculi aut lactearum cellulis ad acorem coacervari, aut in quibusdam vasis sanguiferis tum primum partes fermentescientes è foco prodeuntes alveumque sanguineum subingressæ acore suo utpote adhuc crudiores frigus, horrores inducunt, lassitudines dolorificas, respirandi difficultatem, quæ symptomata progignuntur tum à sanguinis remora à fermento acido inductâ, tum ab ipsius aculeis, quibus punguntur membranæ, vasaque constringuntur, fermenti autem portione subactâ pluribusque circuitibus attenuatâ sparsaque ardores, sitis, dolores capitis, motus convulsivi aliaq; symptomata superinducuntur, quod indicat majorem fermenti exaltationem, ipsumque ad ἀνεργήτας evahi, usque dum tandem rarefactus humor noxius per sudores aut insensilem transpirationem discutiatur, induciæque largiantur, donec pro novo morbificæ materiæ penu novæ rixæ moveantur.

Hinc sudores, qui acrem aut acidiusculum odorem expirant, critici esse solent, uti & pustulæ in labiis aut aliis locis erumpentes, arguunt enim secretionem humoris noxii, ideoque & sæpius febres judicari indices sunt.

Pro variâ istius fermenti indole, qualitate, exaltatione tempore quo evehitur & accrescit, imminuitur & decrescit aut absumitur, uti pro vario humoris consortio, aliisque plurimis ipsius naturam determinantibus, variæ identidem febres succrescunt, ipsarumque typus multiformis suboritur, hinc enim tertianæ, quartanæ, quotidianæ, febris epiala, Lypiria, compositæ, simplices ipsaque continua, aliæque demum plurimæ, quas hic recensere non est hujus loci, sobolescunt.

Posito itaque, acre aut acidum volatile & fermentescens febres progignere, cortex Peruvianus sapore quo stypticoamarus est, ipsum fermentum febrile coërcere aut etiam profligare,

potis

potis erit, amara enim & acida bellum  
indixêre seseque invicem destruunt, quâ  
verò stypticus est, subadstringit, sicque  
malum humorum frænat, & partes ro-  
borat, cum autem nec uti multa alia  
amara viscera irriteret, neque excretio-  
nem quamvis aut molestiam inferat,  
nec uti styptica multa alia, constipatio-  
nem inducat, necessariò agnoscendum  
illum Pulverem indolem particularem  
nactum esse, quâ nempe in hoc cortice  
salia cum terrâ ita amicè conveniunt,  
& tam arctè combinantur, ut sine necesse  
dissolutione primam regionem per-  
transeant, & non nisi in fluento sangui-  
neo extillata dissociationem pati, quâ  
tunc amara in acria aut acida vim suam  
exerant, ipsaque terra stypticitate sua  
fermenti impetus coërceat frænetque  
fervores; aliàs enim amara uti colo-  
cynthis, rhabarbarum, agaricus, scam-  
monium, aliaque quamplurima, ubi pri-  
mum ventriculum aut intestina appu-  
lerint, sale volatili quò pollent, fibras

pungunt & irritant, altiusque in vasa  
 immissa humorum fusiones concitant;   
 quin etiam aliàs styptica, ubi sunt me-  
 spila; sorbus, malus cotonea, vitriolum  
 commune aliaque quamplurima con-  
 stipationem inferre nihil magis notum,  
 cujus discriminis ratio cùm omnia  
 styptico-amara terreo-salina supponan-  
 tur, ex eo peti potest, quòd in quibusdam  
 terreo-salinis particulæ salinæ-terreis  
 laxè, & dissolutè alligentur, ita quidem,  
 ut quamprimum ventriculi aut intesti-  
 norum humore diluantur, dissociatio  
 contingat, unde si amarum præpolleat,  
 ratione suæ volatilitatis & energię sui  
 juris factum quoquo versum feriat, iden-  
 tidem & vires promat prodatque, secus  
 autem si caput mortuum dominium ob-  
 tineat, salia sæpius innoxie vasa tran-  
 scendunt, terraque intestinorum parie-  
 tibus affigitur sua stypticitate fibras co-  
 arctando, quæ ideo constipationem pon-  
 deris que sensum progignit. Horum  
 siquidem terreæ particulæ in ventriculo  
 aut



aut intestinis remorantur, vixque venas lacteas subintrant, sed trajectis per intestinorum foraminula minutioribus salinis, crassioribus his particulis introitus denegatur. Ex his obiter notandum, dari quædam remedia verè adstringentia dicta, quod fervores sanguinis cohibeant fusionesque præcaveant, quæ tamen nullatenus intestina coarctant, uti sunt v. g. Succinum, Mastiche, Olibanum, species diatragacanth. frigid. aliaque innumera; aliaque vice versâ, quæ utpote austera, acerba aut styptica, unicè vim suam in viscerum fibras exerant, quas proinde corrugando, inque spatium brevius contrahendo, facultatem ipsorum expultricem sistant, quin imò hæc ultima sæpius excretiones cohibendo lotium promovent. Sed cum jam de ipsius naturâ verba fecerimus, nunc de ipsius usu dicendum. Præmissis itaque Phlebotomiâ & Catharsi uti visum fuerit, si febris non curetur, tempore intermissionis hocce remedium ogge-

rendum vel in infusione vel in bolo, si in infusione, ℥iv. sufficient præparationis nostræ superius scriptæ, si in bolo 3℔. Tempus dandi sit non tantum per intermissionem, sed etiam aliquandiu à pastu; bis in die dabitur in simplici tertianâ & quartanâ, in aliis, ut in duplici tertianâ aut febribus subintrantibus, tempore remissionis, & opportuniùs quam occasio morbiqûe violentia permiserint, quò sæpius autem, eò minori dosi & è contra; interim non solum temporis & febris, sed & virium ætatis, habitûs, aliorumqûe concomitantium ratio habenda: ut autem recidiva præcaveatur, usus continuabitur, alioquin pari ferè certitudine, qua intermittit, febris iterum recrudescit, itaque per octo dies plus aut minus bis in die doses propinabuntur vel boli oggerentur, & 3j. aut ij. debent ab ægro consumi, si integram sanationem adipisci satagat; quamvis illud non absolutè intelligi debeat, plus enim aut minus requiritur.

pro

pro vario affectus febrilis tenore & fa-  
vitie. In quartanis ut recidiva præca-  
veatur, ipsius usus diutiùs continuabi-  
tur, quippe agnoscunt causam contu-  
maciorem, ideoque non nisi majori vi  
debellandam.

Cautiones in exhibendo sint (1.) ne  
quid obstaculum, uti sordes in alvina  
regione, aut pituita in ventriculo, ipsius  
virtuti obsistant. (2.) Prius humorum  
impetus & fervores aliis præfidiis com-  
pescantur quàm oggeratur, hacce ratio-  
ne præparantia, quid jam innuimus,  
præmitti debent. (3.) Nec sub initium  
nec in vigore Paroxyismi exhiben-  
dus, quippe tunc præ fervore minus spei  
hostem placandi affulget, sed quod ma-  
gis, motus contrarii, sic inde introducti  
in humoribus periculum minantur;  
per remissionem autem uti securius ita  
certius suos effectus prodit; consultum  
est itaque corticis exhibitionem à paro-  
xyismi declinatione auspicari, quia san-  
guis à declinatione plurimum contra-

ctus & pacatus corticis constrictioni facilius paret. (4.) Doses bipartitæ & frequentius oggestæ faciliiori negotio rem suam peragunt, quia nempe sensim fermenti vires destruendo, periculum ex contrariorum motu resultans præcavetur; quò tamen intermissio brevior fuerit, eò majori quantitate concedatur. (5.) Non statim à pastu, ne sub crudiori nec dum volatilizzata eduliorum mole pereat ipsius vis & obtundatur, sed aliquandiu à pastu, quò chylo suas vires facilius impertiat, ipsasque ceu novum balsamum humoribus communicet. (6.) Cortex in substantiâ est quidem efficacior, sed si cacopragiæ in primâ regione suspicio adsit, tinctura saturata multoties repetita substantiæ ferè æquivalet, quia non uti Pulvis in ventriculo impeditur. (7.) In continuis sicut in intermittentibus tempus remissionis eligendum, Ptisana è cortice solo aut cum aliis in eundem scopum collimantibus parabitur pro potu ordinario.

nario. (8.) Si dosibus etiam pluries repetitis rem suam non assequatur medicus, non ideo pertinaciter insistendum, quin imò si aliquandiu desistat, iterum oggestus pulvis optatos successus adimplebit. (9.) In febribus malignis sicut & in aliis non nisi præmissis præsi- diis universalibus oggerendus, tempus quoque opportunius erit, cum natura noxii humoris secretionem ad cutem per exanthemata molitur. (10.) Circumcisis per pulverem paroxysmis, vi reliquæ febris exterminentur, imminet recursus, itaque si catharsis à corticis usu exigatur, lenioribus catharticiis cum Laudano & cortice mixtis instituatur; eliganturque cathartica, quæ suis qualitatibus quandam cum cortice convenientiam obtineant, uti sunt Aloë, Rhabarb. ipsumque extractum colocynthidis. Cum autem jam de ipsius corticis naturâ & usu dixerimus, operæ pretium est aliquid addere de effectibus & de præsagiis ab ipsius usu expetendis. 1. Qui

à febris incurſibus longiorem feriatio-  
nem expetunt, pulverem hunc crebrio-  
ri vice aſſumere jubentur, fugatis nimi-  
rum à cortice paroxyſmis, ſi ejus uſus  
non continuabitur, morbus poſt ali-  
quot ſeptimanas ut plurimum recrude-  
ſcit. Quàm citò enim ejus vis abſu-  
mitur, & particulæ omnes à mixtione  
ſanguinis avolarunt, affectus pro tem-  
pore ſolùm ſuppreſſus, denuò emergit.  
2. Cathartica vehementiora, aut emeti-  
ca recidivam minantur, enim verò im-  
preſſiones factas deſtruunt. 3. Peri-  
culoſus eſt ipſius uſus ſi fervores adſint,  
in cauſo & continuis ardentibus. 4. Si  
ab ejus uſu proximus paroxyſmus im-  
mutetur, vel imminuatur, aut intenda-  
tur, ſolutionem prænuntiat, ſin minus  
eundem tenorem teneat, conſecutionem  
portendit. 5. Non ſolum diaphore-  
ſin parit, verum lotium & ſudores &  
quandoque ventris fluxum, quæ ſi conti-  
gerint, febris ſolutionem præſagiunt.

Quam-



Quamvis autem hujus corticis usus à prudenti medico sub cautionibus superius præscriptis laudabiles suos effectus prodat, ita quidem ut jure inter febrifuga palmam præripiat; non desunt tamen qui non solum ipsius usum verentur, verum & respiciunt, eò quòd non debellet hostem, verum & ipsum duntaxat sopiat, qui ideo cunctando vires sumens crudeliùs in posterum sæviat & debacchetur, ut qui scilicet ulceri cavo denuò erupturo cicatricem inducat. Hinc itaque cachexiam & hydropem exoriri contendunt. Verum experientia huic objectioni intotum refragatur, quippe quotidie quamplurimos videre licet ab hoc pulvere optimè percuratos, qui nullatenus tamen tales affectus incurrunt, quamvis etiam nec catharticis aut aliis præsidiis tales eventus præcaverint; Experientiæ ratio suffragatur, quæ enim sunt actu amara, in supprimendis fermentorum præternaturalium viribus maxi-

maximâ virtute pollent; quin imò radix gentianæ, quæ optimè hunc corticem simulat, olim pro curatione februm quartanarum celeberrimi erat usus; Modus autem quo agat in fermentum febrile non adeò innotescit, ut quispiam asseverare possit, penum morbificum ab ipso pulvere intercludi & quasi compedibus ligari, ut exinde solutis virculis tantum pertimescat periculum, nec enim tam exactè, uti prius innui, nobis ob oculos ponitur ipsius essentia, ut de ipsius virtute & qualitatibus dignoscendis tam confidenter arrogemus; Interim si ab effectibus ad causas ascendamus, dicemus materiam morbificam non tam incatenari quam reserari, ipsumque fermentum non tam sopiri quàm expandi & rarefieri, enim verò diapnoem promovet, sudores prolicit, urinam ciet & quandoque ventris fluxum propriat; & quid nonne amara discutiunt & abstergunt. Adhæc fermentum febrile non tanta forsân molis est

est ut non nisi majoribus evacuationi-  
bus elutrietur; nonne parvæ pustulæ,  
exanthemata, furunculi, aut alia per-  
cutem erumpentia diros affectus, vio-  
lentasque febres solvunt & perfectè ju-  
dicant? Sed quod magis, undenam est,  
quæso, quòd magnis evacuationibus,  
sæpiusque repetitis tantum confidamus;  
quàm enim sæpius inutiles ne dicam,  
noxia, norunt Practici, ita quidem ut si  
inter istius corticis & cathartorum  
majorum vel etiam mediocrium sæpius  
repetitorum usum comparationem in-  
stituas pius periculi majoresque noxas  
ab istis quàm ab illo impendere compe-  
rias; infirmantur enim vires, frangitur  
stomachi tonus, ex quo novus humo-  
rum cumulus superinducitur, unde &  
cachexiæ aliique affectus sobolescent;  
è contra ex isto pulvere symptomata  
crudeliora evanescent, vires labefacta-  
tæ instaurantur, sensimque ager sanita-  
tem recuperat; sed si ab istius corticis,  
uti supponunt, coarctatione graves affe-  
ctus

ctus suboriri censeant quidam, alii non  
 cum minori fiduciâ querelas movent  
 contra calores, quos inducit; ita quidem  
 ut sit prioribus mixti stypticitas suspecta  
 fuerit, isti amaritudinem pertimescant:  
 secundum enim Physicos, amara, falsa  
 & acria sunt calida; austera, acerba, sty-  
 ptica sunt frigida, pingua verò, dulcia,  
 oleaginosa temperata; ex hoc itaque  
 supposito calores præternaturales indu-  
 ci, humores aduri, cum magno strepitu  
 eventilant: sed huic objectioni non mi-  
 nus refragatur experientia quàm priori,  
 ipsaqué ratio contra allegata contrarium  
 evincit: uti enim intimâ partium mixti  
 unione stypticitatis damna alioquin no-  
 citura ipsius amaritudine præcaventur,  
 sic & hujus noxæ alioquin metuendæ ab  
 alterius qualitate emendantur, quod ex-  
 inde evidentius patescit, quod uti prius  
 innuimus, non uti multa laxè mixta à se  
 invicem dissocientur, ubi primam regio-  
 nem perlustrarunt, quin imò uti arctiori  
 nexu conjunctæ invicem mixti parti-  
 culæ

culæ junctis viribus suos effectus pro-  
dunt promuntque; sed ne hîc cantile-  
nam recantemus, viresque amari in fer-  
mento extraneo recolamus, experien-  
tiâ duce sufficiat in nostras partes anti-  
quitatem revocare, quo multa amara u-  
surpavit ad febrium curationem, uti  
centaurium minus, cichorium sylvestre,  
Absynth. Camhædryn, flores Chamæ-  
mel. aliaque quam plurima, ista quippe  
agitationes quidem & motus extraneos  
in humoribus fuscitant, sed quibus fer-  
mentum febrile discutiatur, utque cla-  
vus clavum trudit, & nova fermentatio  
inducta prius insitam debellat  
& destruit.

